

# Dopu à cent'anni

Dopu à cent'anni è centu mesa  
Sè la mimoria ùn hè suspesa,  
À issi labbri oramai zitti

Dopu à cent'anni è centu viti  
Sè li ricordi ùn sò spariti  
Ch'oghji ùn ci n'hè più tistimonii

Dopu à cent'anni è centu sonni  
Ch'idd'ùn voltini issi dimonii  
È ch'idda spunti la sumenti

Dopu à cent'anni è centu stenti  
S'iddi si movini l'aienti  
È s'iddi s'alzani li mani

Dopu à cent'anni è centu danni  
S'iddu ci ni ferma dumani  
S'iddu ni rinasci surrisi

Dopu à cent'anni è centu visi  
È tanti distini indicisi  
Di ritratti nant'à i muraddi

Dopu à cent'anni è centu biadi  
È centu braccia, è centu spaddi  
Quantu si ni pensa furtuni ?

Dopu à cent'anni è centu funi  
È centu soli, centu luni  
È brami d'albi maistosi

Dopu à cent'anni è centu cosi  
Di spiranzi ciatti o rabbiosi  
I chjassi, si sarani trovi ?

Dopu à cent'anni è centu provi

Sò mimoria i surrisi novi

È la nova lumera incesa

Dopu à cent'anni è centu mesa...